

LIGJ
Nr.9769, datë 9.7.2007

PËR DISA NDRYSHIME DHE SHTESA NË LIGJIN NR. 8977, DATË 12.12.2002
“PËR SISTEMIN E TAKSAVE NË REPUBLIKËN E SHQIPËRISË”, TË
NDRYSHUAR

Në mbështetje të neneve 78, 83 pika 1 dhe 155 të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Në ligjin nr.8977, datë 12.12.2002 “Për sistemin e taksave në Republikën e Shqipërisë”, të ndryshuar, bëhen këto ndryshime dhe shtesa:

Neni 1

Në nenin 4 pika 1 ndryshohet si më poshtë:

“ 1) Taksa portuale, që përbëhet nga:

- a) taksa e anijes;
- b) taksa e fenerit;
- c) taksa për formalitetet e kryera nga organet e shëndetësisë, të kapitanerisë së porteve dhe autoritetet e tjera.”.

Neni 2

Në nenin 5 bëhen këto ndryshime dhe shtesa:

1. Në pikën 1 bëhen ndryshimet e mëposhtme:

a) Paragrafi i parë dhe paragrafi i dytë ndryshohen si më poshtë:

“Taksat portuale paguhen për një periudhë një mujore, sipas lidhjes nr. 1, që i bashkëlidhet këtij ligji e që është pjesë përbërëse e tij, për të gjitha anijet, që prekin portet dhe radat e Republikës së Shqipërisë e që kryejnë veprime tregtare, pavarësisht nga numri i prekjeve.

Veprim tregtar i anijes quhet ngarkimi dhe/ose shkarkimi i mallrave, zbarkimi dhe/ose imbarkimi i udhëtarëve, përpunimi i anijeve turistike dhe i jahteve/cruiser-ëve.

Anijet me flamur shqiptar dhe anijet që mbajnë flamurin e shtetit, me të cilin vendi ynë ka marrëveshje reciprociteti, gëzojnë të drejtën t'i paguajnë taksat portuale për një periudhë njëvjeçare.”.

b) Shkronja “e” shfuqizohet.

2. Pika 5 ndryshohet si më poshtë:

“5. Taksa e importit të mjeteve të përdorura caktohet:

5.1. Për mjetet me 10 ose më shumë vite përdorimi:

- a) autoveturat 60 000 (gjashtëdhjetë mijë) lekë;
- b) mjetet e tjera për transportin e jo më shumë se 10 personave, mikrobusë, furgona dhe mjete të tjera për transportimin e mallrave, me peshëmbajtje deri në 5 tonë: 128 000

(njëqind e njëzet e tetë mijë) lekë;

c) autobusët dhe mjetet e tjera për transportin e mallrave, me peshëmbajtje mbi 5 tonë: 160 000 (njëqind e gjashtëdhjetë mijë) lekë;

ç) traktorët rrugorë (koka tërheqëse): 64 000 (gjashtëdhjetë e katër mijë) lekë.

5.2. Për mjetet me më pak se 10 vite përdorimi:

a) autoveturat 40 000 (dyzet mijë) lekë;

b) mjetet e tjera për transportin e jo më shumë se 10 personave, mikrobusë, furgona dhe mjete të tjera për transportimin e mallrave, me peshëmbajtje deri në 5 tonë: 80 000 (tetëdhjetë mijë) lekë;

c) autobusët dhe mjetet e tjera për transportin e mallrave, me peshëmbajtje mbi 5 tonë: 80 000 (tetëdhjetë mijë) lekë;

ç) traktorët rrugorë (koka tërheqëse): 48 000 (dyzet e tetë mijë) lekë.

5.3. Taksa e importimit të autoveturave llogaritet sipas formulës së mëposhtme:

Taksa fikse x cilindrata e motorit x koeficienti i viteve të përdorimit;

- "Taksa fikse" për çdo autoveturë me benzinë është 20 000 (njëzet mijë) lekë, ndërsa për çdo autoveturë me naftë 25 000 (njëzet e pesë mijë) lekë.

- "Cilindrata e motorit" është vëllimi i dhomës së djegies së motorit, i shprehur në centimetër kub (cm³).

- "Koeficientët e viteve të përdorimit" janë si më poshtë:

i) deri në 2 vite nga data e prodhimit: 0,0016;

ii) mbi 2 deri në 4 vite nga data e prodhimit: 0,0024;

iii) mbi 4 deri në 7 vite nga data e prodhimit: 0,0029;

iv) mbi 7 deri në 10 vite nga data e prodhimit: 0,0032;

v) mbi 10 vite nga data e prodhimit: 0,0048.

Me "vite përdorimi" kuptojmë diferencën ndërmjet vitit, kur mjete hyn për qarkullim të lirë në territorin doganor të Republikës së Shqipërisë, me vitin e prodhimit."

Neni 3

Në nenin 10 bëhen këto ndryshime dhe shtesa:

1. Në pikën 1 bëhen ndryshimet dhe shtesat e mëposhtme:

a) Në shkronjën "a" nën pikat "i" dhe "ii" ndryshohen si më poshtë:

"i) anijet e shërbimeve portuale në porte;

ii) anijet luftarake."

b) Pas shkronjës "ç" shtohet shkronja "d" me këtë përmbajtje:

"d) anijet, që nuk kryejnë veprime tregtare, përjashtohen vetëm nga pagesa e taksës së anijes."

2. Në pikën 4, pas shkronjës "d" shtohet shkronja "dh" me këtë përmbajtje:

"dh) automjetet e huaja përjashtohen nga pagesa e taksës së qarkullimit për 60 ditë qëndrimi në vit në territorin e Republikës së Shqipërisë dhe paguajnë vetëm 1 euro në çastin e daljes. Për çdo ditë qëndrimi mbi këtë periudhë, taksa e qarkullimit llogaritet sipas lidhjes 4, që i bashkëlidhet këtij ligji."

Neni 4

Lidhja nr.1 "Niveli i taksave portuale në Republikën e Shqipërisë", që i bashkëlidhet ligjit, zëvendësohet me lidhjen, me të njëjtin numër dhe titull, që i bashkëlidhet këtij ligji.

Neni 5

Pikat 7, 8 e 9 të lidhjes nr.2 “Taksat për shërbimet konsullore” ndryshohen si më poshtë:

“7. Për shtetasit e huaj, që hyjnë në territorin e Republikës së Shqipërisë me grupe turistike, nëpërmjet shoqërive turistike, taksa e vizës është sipas parimit të reciprocitetit, por jo më shumë se 1 euro, për ata që hyjnë nëpërmjet pikave tokësore dhe ujore të kalimit kufitar dhe jo më shumë se 10 euro, për ata që hyjnë nëpërmjet pikës së kalimit kufitar ajror.

8. Për shtetasit e huaj, që nuk kanë nevojë për vizë për të hyrë në territorin e Republikës së Shqipërisë, taksa e hyrjes është sipas parimit të reciprocitetit, por jo më shumë se 1 euro, për ata që hyjnë nëpërmjet pikave tokësore dhe ujore të kalimit kufitar dhe jo më shumë se 10 euro, për ata që hyjnë nëpërmjet pikës së kalimit kufitar ajror.

9. Për shtetasit e huaj, që nuk kanë nevojë për vizë, që hyjnë në territorin e Republikës së Shqipërisë me grupe turistike, taksa e hyrjes është sipas parimit të reciprocitetit, por jo më shumë se 1 euro, për ata që hyjnë nëpërmjet pikave tokësore dhe ujore të kalimit kufitar dhe jo më shumë se 10 euro, për ata që hyjnë nëpërmjet pikës së kalimit kufitar ajror.”.

Neni 6

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr.5398, datë 16.7.2007 të Presidentit të Republikës së Shqipërisë, Alfred Moisiu

LIDHJA 1 NIVELI I TAKSAVE PORTUALE NË REPUBLIKËN E SHQIPËRISË

Lloji i taksave Portuale	Për çdo ton neto të regjistrit të anijeve për një muaj	Për çdo ton neto të regjistrit të anijeve për një vit
Taksë e anijes:	EURO	EURO
Për anije që kanë tonazh deri në 50 NRT	10	30
Për anije që kanë tonazh nga 51 NRT deri në 500 NRT	0,5	1
Për anijet mbi 501 NRT	1,0	2
Për anijet traget, pasagjerë dhe Ro-Ro	1,50	5
Për anijet turistike, sportive, jahte	0,10	
Krujzera	0,4	
Taksë feneri:	0,1	
për të gjitha anijet		

Taksë për formalitetet e kryera nga organet e shëndetësisë, kapitanerisë së porteve dhe autoritetet e tjera:		
Për të gjitha anijet pa përjashtim	0,40	

Taksat portuale paguhen para nisjes së anijes nga porti.

Anijet e huaja i paguajnë taksat portuale në valutë lirisht të konvertueshme, kurse anijet e personave juridikë ose fizikë të regjistruar në Republikën e Shqipërisë paguajnë në valutë ose në lekë.